

Johann Kleinschmidt

**Programma Quo Rector Universitatis Rostochiensis Johannes Kleinschmid,  
I.U.D. & P. Ad Exequias quas Viro ... Dn. Johanni Moringio I.U.D. marito carissimo  
vidua moestissima hodie paratas cupit. Omnes omnium ordinum Cives  
Academicos ... invitat ac hortatur**

Rostochii: Kilius, 1638

<http://purl.uni-rostock.de/rosdok/ppn770661041>

Druck Freier  Zugang




Kleinschmid, J.,


in

J. Moring.

Rostock, 1638.







PROGRAMMA

Quo

100.  
Rector Universitatis Rostochiensis

JOHANNES KLEIN-SCHMID, J. U. D. & P.


AD EXEQVIAS

quas

Viro Clarissimo & Consultissimo

Dn. JOHANNI MORINGIO J. V. D. marito carissimo vidua mœstissima hodie paratas cupit.

Omnes omnium ordinum Cives Academicos hora media prima in templo Mariano studiose paratas ac horeatur.



ROSTOCHII,

Literis NICOLAI KILII, Acad. Typographi,

ANNO MDCXXXVIII





Pud Philosophum Romanum exstat Hominis descriptio, an Humanæ naturæ, cuius veritatem age videamus, numquid cum ipsa re conveniat. Dicit ergo, Homo est quodlibet quassum vas, & quodlibet fragile: jactatu, non tempestate magna, ut dissipetur, est opus. Ubicumq; arietaveris, solveris. Habet corpus imbecillum, fragile, nudum, suapte natura inermis, alienæ opis indigens, ad omnem fortunæ contumeliam projectum: Cum benè lacertos exercuit, cuiuslibet feræ pabulum, cuiuslibet victima, ex infirmis fluidisq; contentum, & lineamentis exterioribus nitidum, frigoris, æstus, laboris impatiens: ipso rursus otio, & situ iturum in tabem, alimenta meruens sua, quorum modo inopia laborat, modo copia rumpitur. Anxiæ sollicitæq; tutelæ, precarii spiritus & malè hærentis, soli semper sibi nutrimentum vitiosum, & inutile. Miramur in hoc mortem unius, qua singulis, opus est. Nunquid enim, ut concidat, res magni molimenti sit, odor illi saporq;, & lassitudo, & vigilia, & humor, & cibus, sine quibus vivere non potest, mortifera sunt. Quocumque se movet, infirmitatis suæ statim conscium, non omne cœlum ferens, aquarum novitatibus, flatuq; non familiaris auræ, & tenuissimis causis, atq; occasionibus, morbidum,

187  
28

dum, putre, cassum, à fletu vitam auspicatum: Cum interim quantos tumultus hoc tam contemptum animal movet? in quantas cogitationes oblitam conditionis suæ venit? Immortalia, æterna volutat animo, & in nepotes, pronepotesq; disponit: Cum interim longa conantem eum mors opprimit, & hoc, quod senectus vocatur, pauci sunt circuitus annorum. Hæc ille: de quo quid videtur? Nunquid graphicum dicemus pictorem, qui suis coloribus hominem expressit. Annon enim à fletu vitam auspicatur, ut Heracliti discipulum facile agnoscas, cui sua fragilitas jam sit cognita? qui subeunda pericula metuat, qui futurus ad calamitates horreat, qui mortem deniq; in ipso limine salutet, eam quotidie vivendo sibi viciniorem faciat, ac tandem se occupandum ei tradat. At gaudia sæpe interveniunt, quæ omnem tristitiam expectarent, quæ animum hilaritudine expleant, vitam desiderabilem ac jucundam reddant: qualia ferè sunt, quæ ex puerilibus, parium cum paribus, collusivunculis, ex adolescentum studijs vanis, vagis, petulantia, lascivia, stultitiæ plenis, ex cupiditatibus virorum ad ambitionem, vel avaritiam directis: Voluptates quoq; non raro uxorias ita sectantur, ut quasi nepenthes aliquod biberint, omnem subito obliviscantur vitæ suæ fragilitatem, ac circumstantiam periculorum præsentiam: Non etiam nulla sunt senum gaudia, tam in quorundam animis efficacia, ut nunquam se adeo senes esse putent, quin unum etiam annum se victuros esse sperent. Et sane, summum ex vita gaudium susceperit necesse est, cujus turpissimum votum fuit, quo & debilitatem non recusat.



889  
cufat, & deformitatem, & noviffimè acutam crucem;  
dummodo, inter hæc mala spes prorogetur.

*Debilem, inquit, Facito manu, Debilem pede, coxa,  
Tuber adstrue gibberum, Lubricos quate dentes,  
Vita dum superest, bene est, Hanc mihi vel acuta  
Si fedeam cruce, sustine.*

Vult miser, & adfufpirat vivere, etiam inter tormen-  
ta, & in ifta maxime cruciante cruce. O ingrata, va-  
na, acerba gaudia! Imo non gaudia, fed ægerrimæ  
ægritudines, & cum perpetuo cruciatu conjunctæ  
voluptates. Puerorum lufus damnant juvenes, ju-  
venum viri, virorum fenef, fenum qui? mors ipfa cre-  
do medium iis digitorum oftendit, qui cum fibi ipfis tæ-  
dio, aliis odio, etiam contemptui fint, tamen vivere  
defiderant. Sed videamus in exemplo, quod hodie-  
na dies nobis offert, viri Ampliff. & Clariff. Dn. J. O-  
HANNIS MORINGII, J. U. D. Confultiffimi.  
An vita noftra, fuis etiam bonis in ftructa, non ha-  
beat, quod cum Democrito rideat, cum Heraclito  
fleat, idq; verbis præfcriptis, quæ hæc funt.

*Vitam refert defunctus viro, dum viveret, Ampliffimo  
& Confultiffimo Dn. HARTMANNO MORINGIO, Re-  
verendiffimi, & Illuftriffimi PHILIPPI SIGISMUN-  
DI, Osnabrugenfium, & Verdenfium Epifcopi, Confiliario  
Spectarififfimo. Matri GERTRUDI von Meyden ex vetufta  
HEYDORUM ac patrilia familia prognata. Hi progenito-  
res cum filium hunc fuum, anno fupra millefimum, quingen-  
teffimum fexageffimo feptimo ex fe natum ab infantia fideliter  
inftitui curaffent, & doctis informandum Magiftris com-  
miffiffent, tandem non infeliciter eruditus, in Academiam Ju-  
ltiam conceffit, ftudioq; Juris, uti & in Academiis Witteber-  
genfi, Colonienfi, Roftochiensif fedulam operam navavit. Hæc  
noftro*

885  
nostra Academia relicta, ut superioris Germaniae praecipuas  
Academias perlustraverat, Basileam se contulit, ubi Anno  
Christi 1600. una cum duobus fratribus suis, ex quibus nemo  
superest, gradum Doctoris assumpsit. Tandem Rostochium re-  
vixit, & in uxorem duxit matronam verè piam, honestam, &  
omnium virtutum ornamentis conspicuam CATHARI-  
NAM CLINGIAM Viri Spectatissimi Dn. JACOBI  
CLINGII civitatis Fribergensis ad Rhenum patritij hono-  
ratissimi filiam. Hac postquam primo elocata viro doctrina  
& rerum politicarum usu Ornatissimo, Dn. BERNHARDO  
LUSCOVIO, patritio Rostochiensi, & Proconotario hujus  
Urbis fidelissimo, cum quo biennium in conjugio tranquillo,  
sed infecundo transegit. Deinde Viro, tam majorum imagini-  
bus, & insignibus, quam sua doctrina, eloquentia, & virtute  
nobili, Dn. CHRISTOPHORO STURZIO, Juriscon-  
sulto celebri, historiarum in hac Academia nostra Professori,  
Serenissimorum, & Potentissimorum heroum FRIDERICI  
II. Daniae, & SIGISMUNDI III. Poloniae Regis Consiliario  
fidelissimo, cum quo viginti duos annos conjugij onera susti-  
nuit. Tertio deniq; nupsit huic nostro defuncto, duravitq; ho-  
rum conversatio tranquilla & pacifica, per annos viginti se-  
ptem. Quo tanto tempore ita se gessit defunctus non modo  
erga uxorem dilectissimam, sed etiam erga liberos privignos,  
ut vere paternum affectum omnes sint experti. Hac prima  
ipsius Conjux CATHARINA CLINGIA obiit anno  
1630. die 10. Augusti. Anno 1631. post Dominicam Misericor-  
dias Domini, lectissimam ac honestissimam virginem M A R-  
GARETAM von Eichen Prudentissimi olim Senatoris  
& Malbiniensium filiam, matrimonio sibi junxit. Conjugium  
similiter tranquillum, & fecundum expertus est: Pater enim  
factus duarum filiarum: quarum altera in ipso parvi exstint-  
ta, altera septendecim diebus ante obitum patris in hanc lu-

687  
cem edita: Duorum item filiorum, JOHANNIS, qui annis  
proximè præterito die 22. Januarij extinctus est, & HART-  
MANNI, adhuc DEI gratia superstitis. Cum ætatis esset ve-  
geta, opera sua studiosam juvenutem sedulo adjurvit, apertis  
sepe uno tempore tribus quatuorvè collegiis. Dona etiam ipsius  
in variis Legationibus ad Reges & Principes, civitatum am-  
plissimarum nomine per actis, enituerant. Nihilominus toto vi-  
tae curriculo aliis advocando operam suam locavit. Donec tan-  
dem die 26. Februarij in vehementem febrem incideret, cum  
qua ultra octiduum colluctatus fuit. Cum ergo virium debi-  
liratem sentiret die 4. Martij pabulo vitæ æternæ se refecit,  
corpore scilicet sanguine Christi. Die 7. Martij demum in con-  
fessione & fide constanter permanens huic mundo extremum  
valedixit, Anno ætatis septuagesimo primo. Hæc vita est, hic  
obitus Amplissimi, Clarissimi, & Consultissimi viri Dn. JO-  
HANNIS MORINGII, J. U. D. causarum forensium pra-  
ctici celeberrimi, & nonnullarum civitatum in Megapoli Syn-  
dici. Hanc ergo seriem si perpendamus, neq; dolen-  
di, neque gaudendi causis, eam caruisse deprehen-  
demus: Ultra vero ponderosiores fuerint, haud facile  
dixerit, nisi qui experiundo didicit. Gaudio sane di-  
gnum est, nasci ex honestis parentibus, educari libe-  
raliter, literis & artibus ingenuis erudiri, honores a-  
dipisci, conjugio frui primum tranquillo, satis diutur-  
no, minimè rixoso: Deinde altero fœcundo, opes ac-  
quirere, possidere, & posteris relinquere. Quo autem  
dolore dignum est, (ut priora transmittantur) paren-  
tes, & fratres, qui in carissimis habentur, amittere,  
quibus lachrymis uxor, cū qua suavissime vita trans-  
acta sit, sepelitur? quo mœrore, altera nō minus cava,  
imo etiam fœcunda relinquitur? Quo liberi admodū  
tenelli, & patrem nec dum noscitantés, deseruntur?  
Quæ


Quæ ut ut se habeant, & vita nostra sit, qualem antea  
descriptam vidimus: Tamen plausu dignū est, & gra-  
tulationem postulat, quod ex mari tempestuoso, ex  
vita turbulenta, periculosa, calamitosa morbis, &  
mori, imo etiam pravis hominibus obnoxia, libera-  
tus, in portum, in vitam tranquillam, periculis vacuā,  
calamitarum expertem, semper valentem, & vigentē,  
in beato electorum hominum, & angelorum confor-  
tio florentem ac æternantem, traducitur. Cæterum  
relictæ vidua cum liberis tenellis, haud dubie graviter  
turbata hoc mariti carissimi obitu, causam dolendī  
haud levem sibi relictam videt. Orbata nimirum est  
viro, quem cum ipsa amaret, mutuum ejus amorem,  
cumq; flagrantem, & constantem experta est; nunc,  
quia sibi luctuoso planè discidio ereptum videt, quid  
sibi præter luctum & lachrymas, & quæ viduitatem  
comitari solent, incommoda, relictum putet? Orbata  
est rei domesticæ autore, suo & liberorum tutore ac  
patrono, suo in educandis liberis ac defendendis fi-  
dissimo socio ac præsidio. Oneris domesticæ pars,  
quam vir curabat sibi quoque impositam, etsi patien-  
ter ac fideliter sustinet, non tamen sine gemitu ac do-  
lore sustineri potest. Quoties liberos tenellos aspi-  
cit, toties mariti carissimi, in iis memoriam, haud scio  
an sine gemitu ac lachrymis refricabit. Sed illam  
Deus Opt: Max: efficaci consolationis Spiritu eri-  
get afflictam, nebulas mœroris alloqui divini radiis  
dispellet: serenitatem reducet, atq; è luctu tenebro-  
so in lucidam hilaritatem reponet. Nos quoq; Ci-  
ves Academici, non nihil ad hanc rem momenti af-  
feremus. Cum enim defunctus noster pia & placi-  
da morte, felicem hujus vitæ, cum altera beata, &  
æterna

983

æterna p̄mutationem sit consecutus, & corporis  
exuvię, terre omnium matri hodię hora media prima  
in templo D. Marię sint reddendę, majorem in mo-  
dum rogamus Dominos Professores, Doctores, Eccle-  
się Ministros, Magistros, Studiosam vero juventutem  
sedulo hortamur, ut tam ipsius defuncti, qui nostri or-  
dinis dum vixit, ornamentum fuit singulare, tam reli-  
ctę viduę & propinquorum causa, funeris deductio-  
ni frequentes, haud gravatę, interesse velint: quin  
etiam seipsos, Ecclesiam, Academiam, & Civita-  
tem Deo pijs precibus in hac periculorum vicinia  
commendent. P. P. Rostochij die XII. Martij  
1638. sub sigillo Rectoratus.














nostra Academia relicta, ut superioris Ger  
Academias perlustraverat, Basileam se co  
Christi 1600. una cum duobus fratribus suis  
superest, gradum Doctoris assumpsit. Tandem  
visit, & in uxorem duxit matronam verè pia  
omnium virtutum ornamentis conspicuam  
NAM CLINGIAM Viri Spectatissimi  
CLINGII civitatis Fribergensis ad Rhenu  
ratisissimi filiam. Hac postquam primo eloc  
& rerum politicarum usu Ornatissimo, Dn. B  
LUSCOVIO, patrizio Rostochiensis, & Pr  
Urbs fidelissimo, cum quo biennium in conj  
sed infacundo transegit. Deinde Viro, tam ma  
bus, & insignibus, quam sua doctrina, eloque  
nobilis, Dn. CHRISTOPHORO STUR  
sulto celebri, historiarum in hac Academia no  
Serenissimorum, & Potentissimorum heroun  
II. Dania, & SIGISMUNDI III. Poloniae  
fidelissimo, cum quo viginti duos annos conj  
nuit. Tertio deniq; nupsit huic nostro defuncto  
rum conversatio tranquilla & pacifica, per a  
ptem. Quo tanto tempore ita se gessit defu  
erga uxorem dilectissimam, sed etiam erga li  
ut vere paternum affectum omnes sint exper  
ipsius. Conjux CATHARINA CLING  
1630. die 10. Augusti. Anno 1631. post Domini  
dias Domini, lectissimam ac honestissimam  
GARETAM von Eizen, Prudentissimi  
Malchinsensium filiam, matrimonio sibi jun  
similiter tranquillum, & fecundum expertus  
factus duarum filiarum: quarum altera in  
eta, altera septendecim diebus ante obitum p  
A3

